

光緒臨朐縣志卷之十

大事表

史家立表編載古今之事次其歲月約而靡遺景定建康志實祖其例求之邑志或不多見然別爲總紀名其實同揆諸義法又未若表之爲愈矣青州於古一大都會臨朐密邇爲其左輔南北紛擾蹂躪首及典午南渡後羯胡鮮卑之互據劉宋元魏之交爭營壘所在幾爲戰場趙宋末運李全父子營窟青社朝暮反覆禍亂尤極不有此表事變何由彰哉封建祥異舊志皆別標目今統以時繫振貸之惠亦並著之餘若賦歛有經政教有典關民命繫官守

光緒臨朐縣志卷之十 大事表

一

於事似未可忽然徵諸史冊大都爲天下通制不專主一邑言事既涉同義得從略惟有明一代私家紀載有足備一方掌故者采摭乃稍詳焉

昭代以來則雜取昌樂志府志臨朐編年錄古邗紀略諸書參以諸科之檔冊耆老之見聞一切傳述失實之詞亦未敢濫載也作大事表

邑事於漢以前殊略沿革已具詳之此表故斷自漢始

西漢 高后二年夏五月封齊王弟章 爲 朱 虛侯令人宿衛文帝二年冬十月詔列侯之國春三月立朱虛侯章爲城陽王 十四年春三月丁巳封北地都尉孫叩子鄆爲餅侯

景帝前三年餅侯孫鄆坐反誅

武帝建元四年夏六月丙子封雕延年為臧馬侯食邑八

百七十戶

五年薨亡後表注朱虛按朱虛非郡名臧馬地  
理志亦不載疑特割邑戶封之與餅按諸實封

有元朔二年五月乙巳封菑川懿王子始昌為臨原侯

六傳

世至釐侯賢  
表作臨眾

封菑川懿王子奴為臨胸侯

傳六世至侯岑  
表注東海誤

元狩元年夏四月戊寅封城陽頃王子雲為按侯七月辛

卯封菑川靖王子成為餅侯

傳至侯閔王  
莽篡位絕

元鼎五年秋九

月按侯雲坐獻黃金酎祭宗廟不如法奪爵 太初三年

帝東巡海上令設祠具封東泰山既至以泰山卑小不稱

其聲乃命禮官祠之而不封

光緒臨胸縣志卷十

大事表

一一

宣帝本始三年夏大旱

四年夏四月壬寅地震

五行志  
北海琅

邪壞宗  
廟城郭

神爵元年祠蓬山石社石鼓於臨胸

元帝初元元年夏六月大飢

本紀作二年此從天文志紀  
云齊地人相食志云琅邪人

相食於時朱虛餅  
臨原皆琅邪地

平帝元始二年大旱蝗民流亡詔民捕蝗詣吏以石斗受

錢

按班史本紀書蝗者七惟此云郡國大旱蝗青州尤甚  
臨胸屬青州故載之餘水旱災異先後凡數十見成哀

而降詔書屢言比歲不登知其時民困甚矣然率通言之  
或但云關東邑境罹災與否不可得知概略之恐失實也

蠲振罕載  
亦同此

新莽天  
鳳二年

春二月廢諸侯為民

東漢

光武帝建武六年夏六月并省縣國臨原餅皆廢

二十二年蝗

靈帝熹平二年六月地震 光和六年冬大寒井中冰厚

尺餘 考范史本紀災異之書凡百有數十日旱曰蝗曰大水曰地震曰大風曰雨水曰雨雹曰大疫曰大飢和

帝以前代不數見自是厥後幾於無歲無之被災之廣恆至郡國數十不應朱虛臨胸獨獲豐泰然不可考矣

獻帝初平二年黃巾賊張饒等從冀州還北海相孔融逆

擊為饒所敗收散兵保朱虛縣鳩集吏民為黃巾所誤者

男女四萬餘人更置城邑立學校薦舉賢良鄭元彭璆邴

原等以郡人甄子然臨孝存配食縣社 范史有云黃巾復來侵暴融出屯都

昌未詳何年 管甯邴原適遼東

魏 文帝黃初四年徵處士管甯甯自遼東歸詔以為大

光緒臨胸縣志卷十 大事表

中大夫固辭不受

明帝大和元年八月詔徵管甯為光祿勳三年十二月復

徵皆辭不受

齊王芳正始二年管甯卒

晉 惠帝元康五年夏六月大水 晉史災異凡言城陽東莞琅邪者舊志皆采之

按宋書州郡志東莞太始元年分琅邪立咸甯三年復以合琅邪太康十年復立據此則東莞未立以前邑境當屬

琅邪魏書地形志朱虛屬琅邪亦其證也然宋志又云朱虛令晉太康地志屬城陽晉書地理志元康十年分城

陽十一縣為高密臨胸在焉二縣似又皆隸城陽矣三郡分併不常邑境何屬史說紛歧無從考實故舊志所采悉

加刊削此獨存之者以 太安元年冬十二月封劉暉為朱

虛公食千八百戶 以長沙王又討齊王冏暉豫謀故永興元年又死坐免

元帝太興元年秋八月蝗食生草盡至於二月

明帝太甯元年秋八月石虎陷青州邑自是入後趙

穆帝永和七年春正月鮮卑段龕以青州降邑入後趙三年自是

復歸於晉十二年春正月燕慕容恪大破段龕進圍廣固冬十

月段龕降燕悉定齊地邑入於燕

帝奕太和五年冬十一月秦王堅入鄴執燕主暉盡有其

地邑入燕十四年自是又屬於秦

孝武帝太元九年冬十月謝元遣兵攻秦青州降之邑入於秦

十四年復歸於晉十九年冬十一月後燕遼西王慕容農敗龍驤

將軍辟閭渾於龍水

光緒臨朐縣志卷十 大事表

四

安帝隆安三年春三月南燕主慕容德寇青州秋七月

遂陷廣固殺幽州刺史辟閭渾遂都之邑歸晉十五年自是又入南燕義

熙五年夏四月劉裕伐南燕征虜將軍公孫五樓將步騎

五萬屯臨朐六月裕及燕師戰於臨朐城南間道拔城燕

師大敗進圍廣固明年裕拔廣固南燕平邑入南燕十一年復歸於晉

南北朝 宋營陽王景平元年春正月魏攻東陽城檀道

濟帥師救之軍於臨朐魏軍燒營而遁按宋有昌國西安無臨朐此云臨朐

豈史家據舊地言抑諸縣改置在景平後耶建置歲月沿革考略者表皆詳之惟漢與宋闕者以均不悉何年也

文帝元嘉元年秋七月己巳白雀見齊郡昌國 四年五

月辛巳甘露降西安臨朐城 十一年五月丁丑齊郡西

安宗顯獲白雀青州刺史段宏以獻

明帝泰始五年春正月魏拔青州圍已執刺史沈文秀青

冀之地盡入於魏邑屬晉歷宋凡六十年自是入於北魏時魏皇興三年也

魏文帝承明元年四月大風雹 太和六年七月好舛害

稼 八年六月好舛害稼 九年四月實霜

宣帝景明初封豫州刺史王肅為昌國侯食邑八百戶傳三

世至侯遷齊受禪降 正始二年三月大霖雨 永平元年九月壬辰

地震 五年八月好舛害稼

東魏孝靜帝天平二年前青州刺史侯淵劫光州庫兵襲

青州南郭攻掠郡縣淵南奔梁至南青州為賣漿者所斬由青州至南青州邑境正所經也

光緒臨朐縣志卷十 大事表

五

按通鑑梁大通二年魏建義元年魏郢青南荊州既叛附於梁矣而普泰中猶有崔社客反於海岱攻圍青州之事見魏書李靈傳梁中大通五年魏永熙二年通鑑又書青州人耿翔殺其刺史降梁矣而天平中猶有此亂見侯淵傳是魏人兩次叛降梁皆未能有其地也府志疑梁未得全境夫青州治東陽城所領七郡皆在其北不得州治何能越有餘郡然直謂梁未得青州何以大清三年東魏武定七年通鑑又有北青州叛降東魏之文豈天平至武定十數年間魏人又嘗叛亂而史略之耶邑與州治接壤或南或北邑當隨屬故稍稍詳之非泛為青州考事變也

北齊 宣帝天保七年省併州縣劉宋所置諸縣惟昌國獨存朱虛別省入琅邪

幼主承光元年春正月周師圍鄴後主與幼主恆奔青州

丞相高阿那肱引周師追至南鄧村獲之邑自是屬於周顧祖禹方輿

紀要南鄧村在臨朐西北今縣無此村益都唐鄧村造石塔記有諸鄧村之文知南鄧村在益都境矣

隋 文帝開皇十四年詔立沂山祠

唐 中宗嗣聖二十一年周武氏長安四年 周遣使修沂山祠

元宗開元十三年大有年青齊斗米五錢粟三錢 二十

七年追贈先賢顏噲為朱虛伯

天寶十載封沂山為東安公

代宗永泰元年平盧將李懷玉據有淄青等州官爵甲兵

租賦刑殺皆自專之邑自是陷於李氏如在蠻貊異域

憲宗元和六年大稔 十二年李師道叛命引兵出穆陵

關十四年諸道兵討師道二月平盧都將劉悟執師道斬

之淄青十二州皆平李正已逐侯希逸後與田承嗣李寶臣梁崇義各據一方相與蟠結大厯

十一年正已以子納守青州建中二年正已卒子納自領軍務旋稱王陷海密貞元八年納卒子師古繼之元和元

光緒臨朐縣志卷十 大事表 六

年師古卒異母弟師道繼之邑陷反鎮凡歷五十四年

僖宗乾符二年秋七月大蝗

昭宗天復三年春正月平盧節度使王師範發兵討朱全

忠三月全忠使朱友甯葛從周擊師範友甯攻青州師範

以淮南兵擊友甯斬之秋七月全忠自將二十萬至臨朐

命諸將攻青州大敗師範兵全忠留齊州刺史楊師厚攻

青州而歸師厚留輜重於臨朐聲言至密州九月師範攻

臨朐師厚伏兵奮擊大破之師範降

五代 晉高祖天福八年旱蝗大饑

後漢乾祐元年秋七月蝗生

宋 太宗淳化四年冬主簿趙賀率丁壯赴澶州塞決河  
眞宗咸平四年追贈先賢公西輿如爲臨朐侯賜青州孤  
老憫獨民帛

仁宗慶厯六年春三月戊寅地震 皇祐二年麥大熟

五年春三月乙巳大風

神宗熙甯八年二麥大旱京東提舉李邦直禱雨沂山有

應 元豐三年益都臨朐石化爲麪民取食之

哲宗紹聖五年縣令李恭改建儒學 元符三年敕建龍

神廟於仰天山黑龍洞側賜額曰靈澤

徽宗崇甯二年蝗 三年旱 五年封靈澤廟龍神爲豐

光緒臨朐縣志卷十 大事表

七

濟侯 政和三年秋八月戊寅封沂山東安公爲王

高宗建炎二年春正月癸巳金宗弼陷青州破賊將趙成

於臨朐大敗黃瓊軍遂取臨朐尋棄去 四年九月戊申

金立劉豫爲齊帝

邑入僞齊據金沂山碑阜昌間有巨寇類臻嘯集此山餘黨滿萬人東阿宰田

紹祖討平之阜昌乃豫僭號以未詳何年故附載之

紹興七年冬十一月丙午金廢齊國

邑屬僞齊凡八年自是遂入於金是時金

天會十五年也

金 史必尊正統此不嫌宋金並列 世宗大定十七年春三

月旱蝗免租稅

章宗明昌二年秋旱大饑

衛紹王大安二年夏四月大旱六月靈雨大饑斗粟千餘

錢

宣宗貞祐元年冬十二月蒙古破山東諸郡城郭為墟

三年李全略臨朐扼穆陵關時全據淮安欲取益都興定二年夏五

月辛未縣令兀顏吾丁與昌樂令朮虎桓都福山縣令烏

林蒼石家奴壽光縣巡檢紇石烈醜漢破李全於日照遷

官一級進職一等此據宣宗本紀田琢傳敘敗全事在全據安邱以後疑有誤冬十月

戊申李全破臨朐己未據安邱 三年夏六月益都治中

張林以青莒等郡附李全歸宋邑在金凡八十三年是復為宋有

宋甯宗嘉定十四年冬十一月京東安撫使張林以京東

光緒臨朐縣志卷十 大事表

八

諸郡降蒙古邑歸宋二年又入於元十五年李全入青州據之邑自是又

為全據

宋理宗寶慶三年夏五月李全以青州降蒙古元史作十月與宋

史李全傳歧全攻楊州敗死子瓊襲為益都行省專制其地邑名為入元實仍李氏有耳

元 世祖中統三年春二月山東行省李瓊以京東降宋

據濟南夏五月右丞相史天澤築環城圍之詔撒吉思安

撫益都路百姓瓊專制山東三十一四年夏六月饑 至

元元年春三月集賢侍講學士李質代祀沂山宋史致祭嶽瀆罕及

方鎮沂山祭告之煩實自元始代祀之使先後凡十二年數至此以始事載之餘俱從略者以有碑記可考也

秋七月大蝗 十九年旱免明年租賦

成宗元貞二年冬十二月胸山水 三年春正月隕霜殺

桑 大德二年春二月加封東鎮沂山爲元德東安王

六年詔旌辛世顯義行表其門閭 七年夏五月蟲食麥

八年夏四月蝗 九年春三月隕霜殺麥

武宗至大元年春二月大饑夏五月蝻 二年夏四月蝗

仁宗延祐六年夏六月大雨水害稼 七年夏六月蝗

泰定帝泰定元年夏六月蝗 三年饑免半租

順帝元統三年春二月山東運司奏臨胸沂水等縣仍改

爲食鹽是年大蝗 至元二年春二月己丑立穆陵關巡

檢司 六年饑 至正七年春二月地震 十一年前益

光緒臨胸縣志卷十 大事表

都路副達魯花赤帖木耳建戍樓兵室於穆陵關 十七

年盜陷益都其黨李華據臨胸築土城 十九年夏五月

雨雹害稼是年大饑 二十年蝗 二十二年擴廓圍田

豐於益都劉福通自安豐引軍赴援至火星埠擴廓遣將

關侃邀敗之

方輿紀要云火星埠在縣西南今無之惟縣東南五十里有日照鋪爲穆陵關至益都孔

道或卽其地未可知也

二十三年夏六月庚戌星隕於龍山 二十

七年秋七月有龍見於龍山巨石重千觔者浮空而起十

一月吳王兵取益都路 邑歸於明

明 太祖洪武二年夏設稅課局冬立學設生員八人供

其廩膳

編年錄所載如是蓋本明安邱志按明史生員之數府學四十人州縣以次減十則當有二十人師

生月廩食米人六斗有司給以三年詔定鎮嶽山川城隍  
魚肉編年錄云月米一石亦異

諸神號稱沂山爲東鎮沂山之神設穆陵關巡檢司 五

年夏六月蝗 九年八月修沂山東鎮廟國子生湯宗誠

來董其役以明年將遣使祭告故也明代祭告祈報之使自洪武二年至天啟元年有碑記可考者凡四

十一載不勝載故悉略之 十三年春二月舉賢良方正之士四人苗楫

陳周昇賀均禮張恪道 十八年旱免秋糧 十九年夏

饑 二十年禁采銀礦知縣李瑀修葺儒學學校考略其年月故詳之

凡已詳者皆從略他役放此 二十一年春正月振饑是年知縣李瑀修

四鄉預備倉 二十四年分置禮讓孝慈忠善仁壽四鄉

成祖永樂十三年饑蠲田租 十八年春二月蒲臺妖婦

光緒臨朐縣志卷十 大事表

十

唐賽兒反邑境大震

仁宗洪熙元年夏四月旱蝗免租稅之半

宣宗宣德元年典史吳勝祖督丁壯赴役京師 二年夏

四月廷試進士以馬愉爲第一 八年省稅課局 十年

夏五月知縣任榮奉命祭告東鎮

英宗正統二年夏五月知縣任榮奉命祭告東鎮 六年

秋蝗生免稅糧 七年夏五月至六月霪雨傷稼免被災

者田糧是年旌義民王雄復雜役三年 十一年旌義民

朱整復雜役三年 十四年夏蝗

代宗景泰四年築城 五年修倉廩

英宗天順元年春大饑振秋大雨閱月田稼盡沒是年免  
夏稅 二年夏四月蝗免秋糧 四年旱 七年自正月  
不雨至於四月

憲宗成化二年知縣卜釗增修倉廩 六年春旱夏四月  
巡撫翁世資率三司禱雨沂山有應禱雨事不一見  
惟有應始載 九年

夏四月大饑振免稅糧 十五年春正月饑振 十六年

大旱知縣張璉勸富民出粟振濟全活甚眾

孝宗弘治五年秋七月海道副使趙鶴齡禱雨沂山有應  
七年修預備四倉

武宗正德六年流賊劉二劉七齊彥名等攻城知縣雷啟

光緒臨朐縣志卷十 大事表

十一

東禦之圍三日解去

啟東未至之先城兩經流寇殘破見  
昌國餘艘而不詳事在何年考明史

山東盜起在宣德三年八月是必四  
五年間事然別無可考無從增入 十二年秋九月己卯

地震

世宗嘉靖元年土寇王恭作亂邑人陳秩集丁壯平之授

秩礦洞把總官并復其家 四年大饑邑人竇慶郎一清

等出粟振濟全活四百餘家 五年修東鎮廟 七年大

旱 九年立鄉賢名宦祠立敬一亭 十年知縣褚寶勅

建朐山書院 十一年夏六月知縣褚寶奉命祈禱東鎮

以儲宮  
未立故 十二年春旱夏蝗知縣褚寶禱於沂山天乃大雨

蝗盡飛去冬十二月整文廟兩廡修明倫堂 十七年七

月庚辰知縣陸昌奉命報祀東鎮

以元儲  
誕生也

三十四年知縣

賈東山起縣署忠愛堂 二十六年知縣王家士裁守洞

鎗手八百名 二十七年始纂修縣志 三十五年巨寇

趙慈等為亂官軍禦之大關南大風反北賊披靡悉就執

穆宗隆慶二年大水巨洋溢漂沒廬舍免田租之半

五年夏四月旱知縣李瑱禱雨沂山有應

神宗萬曆十年冬十月地震是年蠲逋賦 十六年始建

文昌閣 二十一年大饑人食木皮羣盜劫掠 二十二

年大饑振 二十三年太監陳增至縣督采銀礦

據史當  
作二十

年四二十四年大饑邑人楊芬出資助振 二十六年巡撫

光緒臨朐縣志卷十

大事表

十二

尹應元參礦使陳增罪狀 三十年吏部右侍郎馮琦疏

言礦稅之害 三十三年馮琦再疏言礦使之害十二月

詔罷采礦稅務歸有司領之 三十四年修文廟 三十

八年大旱 四十二年十月十 夜地震 四十三年夏

旱蝗秋大饑父子相食遣使賑荒免租賦邑人尹三省出

資助振 四十四年春大疫夏有麥 四十五年旱蝗

奉文

捕蝗三百石準  
充儒學生員

光宗泰昌元年秋七月罷礦稅

熹宗天啟元年冬十月地震 二年雨雹 三年春二月

雹 四年增驛站民佃竈地鹽課銀一千五百兩有奇

懷宗崇禎二年正月朔南流辛寨以南山市是年裁主簿

訓導各一人 三年春恆霾冬增賦并裁各項額辦雜辦公費銀兩充餉仍加

腳價至是凡四加賦矣 四年大水沒地無算冬閏十一月登州遊擊

孔有德陷新城邑境戒嚴始募民為兵 五年供億登州

米豆六千石夏五月辛峇崔府君廟鐘自鳴雨自六月至

於秋九月禾稼大傷 六年春三月夜有兩鬼對哭縣門

七年春正月朔震雷暴雨如盛夏飛蟲皆出已而大雪

八年逢山石鼓鳴 九年秋七月大風拔木雨雹傷稼

大者如馬首冬十一月蝻生草竹皆盡 十年春牛大疫

至夏弗止冬十月地震 十一年夏四月朔霜傷桑草木

光緒臨朐縣志卷十 大事表 十三

如冬自六月不雨至於十月冬無雪十二月恆霾 十二

年自正月不雨至於七月蝗蝻盈野 十三年始甃城是

年大旱蝗斗粟錢二千有奇正月振五月雨振八月又振

旌孝子王東枝 十四年春正月恆寒恆霾二月河冰清

明無花夏旱秋七月恆雨至於十月冬無雪是年徵米豆

八千餘石輸天津 并腳價實費銀八萬兩有奇 十五年春二月乙酉大

冰夏四月恆風霾冬閏十二月

大兵略地連下臨淄壽光等縣騎兵至縣東北境 十七

年春三月大風晝晦盜起攻城知縣朱迴濼禦之城獲全

主簿章以棠之功居多

國朝 順治元年土寇焚雲黃莊明郎中傅國死焉冬十月知縣李藻至 二年蠲免荒田逋賦 三年冬十月土寇焚五井莊明蘭陽知縣來儀死焉 五年夏六月至秋七月恒雨是年豁荒田賦稅 六年土寇攻白塔村李在廷張永培力禦死之 七年春恆暘 八年清田賦 十七年修文廟 八年冬十月棲霞民于七作亂邑境大震明年七月平

康熙元年解東征米豆 三年裁教諭 四年春夏大旱井泉竭振蠲本年稅已輸者流抵五年 七年夏六月甲申地震有聲如雷棟宇傾覆連日不止秋七月復震冬十月

光緒臨朐縣志卷十 大事表

十四

月免被傷者田租 九年秋大旱發帑振饑 十一年始

修縣志 十四年夏四月隕霜殺麥 民皆銍刈其未刈者後復生穗薄有所收

十五年秋季知縣廖應召豁除加增稅銀火耗 十八年夏

大風傷麥歲大饑振 十九年復設教諭 二十六年春

二月盜劫縣庫典史王綸追捕至城東爲賊所戕 二十

九年免田租 三十九年知縣陳霆萬催科用滾單法

四十二年夏五月免本年欠稅秋八月停徵冬十月安邱

饑民作亂邑東境大擾青州知府張連登親捕平之 四

十三年春夏大旱人相食秋七月好蚌爲災是年振免稅

銀止收臨德二倉糧 四十四年大饑免稅銀止徵臨德

倉糧 四十五年春旱禱雨不應四月始雨 四十七年  
春加添火耗每銀一兩加錢七分 夏六月大旱秋七月雨 四十  
八年春知縣郭玘廢滾單法復用單頭應比 四十九年夏六月旱  
秋七月始雨土人議淘金知縣郭玘禁之九月行鄉飲酒  
禮 五十年春正月初二日大風夏旱牛無牧地 五十  
一年冬十月 詔免五十二年稅糧及五十年以前  
逋賦 五十二年春二月 詔編審人丁照五十年  
丁冊定爲常額夏四月知縣郭玘議加倉糧耗銀 五十  
三年春大旱夏四月大雨始耕公舉前任知縣陳霆萬入  
名宦祠是年免稅銀并蠲積年逋賦 五十四年春三月

光緒臨朐縣志卷十 大事表

十五

因官養馬加稅銀火耗

時興師援哈密發帑銀十二萬兩於直隸山東買駱馬運糧米 秋

七月恆雨八月九月恆暘冬十月始種麥十一月驗馬

胸左右印

五十五年春知縣陶宣議加火耗銀

因山東巡撫蔣宸錫捐騾馬銀

九萬兩解部之故每正銀一兩加三分

五十七年四月不雨至於六月繼大

雨河漲淹沒廬舍邑人議采礦秋八月貢生程勳園中杏

花盛開閏月修義學 五十八年春二月大風三月知府

陶錦議開嵩山礦洞詣山致祭九月僱民夫充役冬十月

穿金井銀井寶井知縣陶宣接董其役 五十九年春正

月知縣陶宣因開礦費議加火耗

每兩加火耗至二錢二分

夏六月監

礦務吏部員外郎陸師至秋大旱八月礦洞官房火九月

陸師封礦洞立石洞側冬十二月大弁山民聚眾作亂攻掠安邱轉至莒州以大雪寒凍解散 六十年夏五月隕霜殺麥大雨雹六月旱 六十一年春大旱 詔免六十年及本年稅銀 自順治至此皆采編年錄以下乾隆朝最略以古郡紀略外別無可徵也 雍正元年春大饑知府石鍵日照縣知縣成永健至縣振濟三月嚴霜殺麥秋八月旱蝗九月始種麥 二年夏四月蝗蝻遍野知府李秉儉親至督捕載酒食勸農公舉前任知縣張曾裕入名宦祠是年蠲免山東租銀一百萬兩臨胸與焉 三年夏四月大旱秋好妨害稼是年奉

詔康熙五十八年至雍正元年欠賦分八年帶徵自本

光緒臨胸縣志卷十 大事表

十六

年始 八年夏六月大霖雨巨洋水溢漂沒田舍學宮傾圮生員朱松捐貲修葺秋八月地震 十一年蠲免山東租銀四十萬兩臨胸與焉 十三年秋大熟 乾隆元年建文昌閣奎星閣於胸山是年蠲免山東租銀一百萬兩臨胸與焉 二年夏四月蠲免山東租銀一百萬兩臨胸與焉 十二年大饑振 十三年大饑免租銀 詔十年降邑於是年輪免 二十年秋七月大風拔木 二十六年冬大寒井冰 二十九年知縣李大純免雜役 三十五年蠲免租銀 三十九年秋八月壽張民王倫作亂擾臨清青屬寇起知縣余開甲守禦嚴密境獨無擾是年成城

四十五年免糧停徵

降邑於是年輪免

四十七年秋

八月大雨水毀廬舍

五十年大饑父子相食

五十一

年饑振老弱婦女死者無數

五十二年春三月隕霜殺

麥 五十八年免租銀

降邑於是年輪免

詔五十五年

嘉慶元年夏大水壞民居秋大疫

三年免租銀

恩詔元

年降邑於是年輪免

九年旱蝗

十五年夏霖雨四十日

十六年

大旱知縣黃思彥徒步禱雨於沂山濬龍泉河發倉穀平

糶散學穀以振貧士秋勅建胸陽書院

十九年夏旱

二十四年冬大雪旋消巨洋水漲

二十五年冬大雪二

十餘日平地數尺

光緒臨胸縣志卷十

大事表

十七

道光元年春正月雪消巨洋水溢壞民田無算秋大疫死

者數萬 二年秋霖雨壞民居禾朽於畝 三年秋大旱

豆槁死冬無麥苗 八年春恆暘 九年冬十月甲申地

大震有聲殷殷如雷十餘日方止民居傾覆壓死男婦數

百口 十三年夏五月癸未雨雹大如馬首田中麥禾皆

盡停二十七社秋糧於十四年帶徵 十四年秋大風傷

稼 十五年春大旱夏五月霖雨害稼秋螟冬十月饑民

聚黨劫奪

詔免元年至十年逋賦

十六年春大

饑道殣相望斂富民粟振之三月知縣招子庸至發倉粟

分糶各社貧者振以錢境內稍安秋大熟冬旱無麥苗

十七年春正月己卯朔大風自正月不雨至於五月秋七月  
月好妨害稼冬十月辛亥地震有聲 十九年夏大雨雹  
二十年秋隕霜害稼 二十八年蠲免二十年以前租  
銀三萬六百三十五兩雜項銀七千五百二十二兩

咸豐元年重修胸陽書院 五年大雨水 六年秋七月

蝗冬饑 七年春饑振夏五月蝗災西境尤甚 九年夏

旱 十年冬逢山石鼓鳴 十一年春己卯皖匪自益都

東下掠縣東界游騎至於北郭秋八月己巳皖匪入銅陵

關劫掠九山鹿皋等社壬申仍自銅陵關出乙酉皖匪復

北至屯盤龍山四出攻掠武生魏希武糾眾禦之力屈而

光緒臨胸縣志卷十 大事表

死九月己丑僧忠親王軍至營於胸山庚寅與賊戰不利

斬將領以徇復戰敗之賊分竄安邱沂水此據邑人藺超然紀事山東軍

興紀略則云九月初二日賊南奔僧王軍馳之越二日敗

之譚家坊樊文達斬零股於野園莊賊由竇家窪南遁初

五日王軍蹙之山溝搶斃無數賊奔 冬十月丙子幅匪自

安邱之高崖與此不合故附載之

三岔店入至五井社大肆焚掠越三日回竄沂博

同治元年夏五月蝗秋七月淄川劉德培據城叛邑境大

震八月大疫九月乙丑幅匪犯縣西境入逢峪溜直薄城

下城上燃巨礮擊退之匪繞城東南大掠丁卯出穆陵關

知縣劉景叔捕得匪黨程四虎於境內械送青州誅之此亦

據藺超然紀事及刑房檔冊軍興紀略云青州守高鎮率

委員趙曾桓鄭啟勳等引勇三百名由朱崖太和進搽捕

敗匪初八日沂匪數千由臨朐之月莊三岔店五井迎撲  
啟勳陣歿鎮被圍石門山青州協領倭紳軍馳救匪解圍  
走超然紀事無之邑冬十一月沂匪入破邱從三岔店南  
人亦不知有是事也

去明年三月淄川平軍興紀略有云棍匪入臨朐知縣  
吳贊令外委劉占魁率勇迎擊之遇馬匪於花半嶺占

魁橫冲其陣出匪不意匪潰向沂水南月莊絕塵而馳詳  
上文所述棍匪亦援淄川為益都所敗者詢之土人亦不

知其事也姑附載之三年春正月乙卯雷大雪三月辛亥大雨水秋

七月霖雨冬雪深三尺四年春三月大雨水秋七月霖

雨傷稼九月雷雨雹五年夏閏月雨雹六月雪寒如初

冬秋九月五里莊民劉鴻鰲謀作亂知縣何維堃捕之鴻

鰲逸去得其黨郭似圍等五人皆伏誅六年秋七月丙

子皖匪南竄掠縣東界自穆陵關出官軍尾擊之冬十月

光緒臨朐縣志卷十

大事表

十九

朔庚辰皖匪復自穆陵關入辛巳轉掠而北近城村落焚

殺尤酷官軍復尾擊之是日幅匪續至由冶源趨紙坊村

壬午劫鄭莊高莊趨逢峪溜西去十一月甲戌皖匪復由

安邱僂道潛趨穆陵關官軍邀敗之據土人云賊自是南  
北皆為官軍所擊鼠

竄往來不知幾次率沿東界山  
蹊潛行不敢逼垆砦肆殺掠矣十一年大水十二年夏

旱秋大水十三年秋野蠶成繭

光緒元年秋大風害稼冬恆暘二年大旱自正月不雨

至於七月社有流亡劫奪紛起五月饑民馬如瑜吳公仁

等聚眾牛山謀亂知縣李祐捕得誅之杜來清等聚眾大

弁山攻掠里社六月青州官軍至來清就誅餘黨解散秋

好舫害稼冬十月振是年蠲緩租銀蠲免正銀八百十五兩四錢有奇耗銀一

百十四兩一錢有奇緩征正銀一萬四千三百八兩有奇耗銀二千三兩一錢有奇三年春旱復

振租銀緩至秋征三月江蘇勸振局嚴作霖金文臺尹德

堃等至分振里社忠善鄉全活尤衆秋有禾緩帶征二年

租銀 四年夏大疫 五年疫 六年疫 七年夏大稔

秋七月蝗不爲灾冬立社倉捐積義穀九千石十一月重

修胸陽書院是年江蘇大水紳民捐貲助振答三年之惠也官捐不載

八年春開迎春門秋大稔 旌廬墓孝子劉長安冬復

積義穀九千石始籌書院經費知縣姚延福捐銀五百兩存典生息是年河

決濟南官民捐貲助振振撫局頒發捐冊照章給獎邑人分社集貲多至千百戶故捐數雖

光緒臨胸縣志卷十 大事表 二十

鉅而獎叙不及焉九年濟南武定河決官民捐貲助振民捐祇及紳商

紓農力也十年夏大稔秋小清河溢高苑博興樂安大水官

民捐貲助振如八年例

皇太后萬壽 詔免光緒五年以前逋賦共免正銀一萬一千

奇雜銀一千五百奇冬請 旌節婦王學忠妻沈氏烈婦趙福妻史

氏等八十一人

光緒臨胸縣志卷之十終